

白華絳村閣詩集

越縵堂集

會稽

李慈銘

原名模

小字
惡伯

尊客

白華絳樹閣詩丙古今體六十八首

元旦卽事效香山體

以下乙卯

春入隔年夢雞聲醒茅屋睡起日高春病後萬事足祀
神暫衣冠頭面辭櫛沐賀客不到門嬉游恣僮僕靜看
廚煙生東風蕩成綠豈識塵市囂此中有空谷但恐明
朝來俗事又相逐一笑視牀頭柏葉酒初熟小飲向斜
陽出門試游曠春帖偶分貽醉墨遍鄉曲幸作昇平人
今年飽新穀

十二日偕子九平子夜集蓉生家復與子九夜話

一年幾高會行樂故鄉寬酒到春宵煖談深月色寒賤貧知已少烽火別家難相對增悲感勞勞二鳥看

上元前夜自東浦歸同子九雪甌凡公大樹港泛

月有作

春初訪客東浦鄉東浦十里吹酒香

東浦爲吾越灘酒處

醉披風

帽出門去已見樹杪懸斜陽相評擊汰弄蘭楫野鳧迎導爭鳴翔大湖漾漾忽迎面一片月色生滄浪微雲走影入山際露髻環列開新妝漁莊百十綴瑤闕荒蘆盡吐晶珀光天公先日作元夜銀花萬樹由旬長文漪亂點宿鷺浴冰潭深見纖鱗藏田湖官瀆瓦一白雪中汀磧寒相望船頭孫楚尾周變惠休上人亦同杭俯身掬

水弄空碧馮夷匿笑驚清狂沆瀣飽飲欲沖舉置身忽
在星斗旁鐵笛一聲裂空起吸取萬象歸渾茫安得諸
君約此月夜夜此地飛千觴

游柯山七星巖贈主人沈某

靈根孕機星太末聳初萼中郎肇嘉名茲鄉匯巖壑翳
歟五丁力保此斧斤鑿危梯拔地起絕壁及天縮積鐵
吐奇紫元氣故不薄千鬟銜佛頭萬劍淬霜鍔鎗發怒
虎踞睢盱奇鬼搏飛踪絕猱緣墜石瞥雕落主人東陽
胄巖棲結構宿懸崖勒雲奔孤亭絜松卓花開仙麝馴
潭鏗大魚愕旦夕改佳觀林泉恣揮霍平生健腰腳濟
勝此堪託餘情資煙霞清夢破寥廓紀詩壽珉珉匠石

上卷
不能斷

聞燕二絕

又聽呢喃到畫檐舊巢重待絮泥添主人爲爾嫌春早
閒過花時不捲簾

天涯芳草足句留烽火閒關特地愁爲問江南經過處
夕陽還見幾紅樓

題錢塘蔣藹卿秀才秋林著書圖

爾亦勞勞者窮年一卷書抱殘生計拙好學故人疏吳
越誰同調文章正起予相憐共無謂身世老蟲魚
三徑家風在秋心不可尋亂離商著述寒餓惜光陰捲
慢碧雲合到門黃葉深茂陵長卧病留取對牀吟

快閣夕望

高閣幾登臨湖山闊世深憑闌今昔感對酒亂離心漁浦分殘照人家映遠林猶憐近城市未得遂幽尋

會龍橋歌

在西郭外一里虹橋之南今名會龍堰

慧日閣深撫帝坐相公館客訪奇貨兩龍浴水來夾舟
保長驚呼貴人臥雷奔電暎導客行仙源慶牒稽圖名
帖報新恩得龍子萬歲菴裏愁琴聲一龍飛騰上天去
燭影赭袍挾臨御可憐折斷雙晶蓮墀下殿巖掉頭舞
一龍朱邸開會稽投懷再見雛龍飛嗣皇慶壽笏金扇
隆國承封曳玉衣五十年來六更畢大龍枯顱琢饕餮
白頭青蓋牽羊行繞柱龍孫拜番佛鏤簾珠襦散不收

雪川碧血幾經秋誰知龍輶千官衛不及西谿土一坏
當時國里承恩澤衛王魯國同朝列不堪潛邸間虹橋
留與桓谿謗離楔鈔全氏理宗時建離巢楔見全謝山鮚埼亭集迎恩門外

夕陽斜終古橋痕漾采霞漁童打槳入東浦指點荒村

保長家

鑑湖柳枝詞十二首

越王臺畔柳垂垂多事東風作意吹八百里湖規作鏡
供他十萬畫蛾眉

家家門巷正啼鶯取次輕陰閒嫩晴滿院楊花人不到
秋千撩亂作去清明

三兩漁莊老樹邊漁娃補網橛頭船板橋茅屋湖南埭

帶雨挖風更可憐

城南古迹已迢迢無復行人問舊條花落年年溪信到
水聲還恨柳名橋郡南門有柳橋爲昔人送別地橋下通若耶溪春時常有落花流出

畫闌吹絮昔年痕夢影依稀落月昏流水三生鶯百囀
絕無人處寂消魂

虹橋西去燕斜斜玉笛聲中別恨賒禁得吳娘船泊處
爲儂簾底惜韶華

南塘卅里柳成行女伴閒來鬪鬢長日暮踏青歸去路
禿襟小袖覓毬場

學估年年事遠游蓬萊古驛管離愁斜陽過盡紅樓路
一半湘簾不上鉤

沈釀邨前柳色新
柳花爭趁甕頭春
紅闌橋外青旗影
一色清陰覆酒人

湖雙邨畔綠絲絲正是同心綃結時但祝一生無別恨
年年春社柳姑祠偏門外十里有湖雙邨有柳姑祠沈約詩所謂山陰柳家女也

小樓又度十年春手弄柔條獨愴神一搭柳縣還似雪
繡牀同倚更無人

唱罷筵前金縷詞纖纖誰與鬪簪支春風老去無人問
來聽烏啼落照時

寄酬樓蓮舫秀才山居見懷二首

下澗年年不濟貧草堂無地著閒身吟詩生事多供病
量藥光陰又餓春山雨客商栽樹法溪風花趁曬絲人

故鄉佳處隨堪隱通老移家孰寫真

羨爾煙霞鎮掩關鹿門眷屬擅清閒壓槽酒熟先邀客
倚樹詩成靜對山日落漁邨看水去雨中僧寺乞花還
何當共遂棲真約青化峰頭屋數間

蓮舫居鄰青化峰爲越山之最高者

上右有藥壇真舍

春日行近郊書感二絕

重門寂寂鎖春風攜手前游似夢中恰是粉牆低處見
鴨桃竹裏試花紅

覓徧衡臯步屢塵青山老盡鏡中春臨池腸斷朱闌影
不見簪花並倚人

友人陳閒谷歸自富陽聞其貧甚作詩招之

卧疾經春百不營柴扉丁倒映江城鵠鵠啼裏迎梅雨
桑柘疏時放麥晴執爨妹兼龕婢役應門兒識故人聲
期君買夏無多事同訂瓜經補邵平

寄懷王孟調丁藍叔蕭山時孟調客藍叔家

今我不樂事遠游出門烽火生百憂天公愛人醉不臥
朝朝散髮嬉江頭江頭估船日邪許羽檄西來更芳午
饑寒餘事猶賦詩拔劍唏噓不堪舞坐無王郎誰得豪
丁生好客真吾曹驛置通賓井投轄意氣脫贈千金刀
兩君之思日無已試問西江往來水祖因素業耽閑門
誰謂窮途絕知已山齋翦燭經年期承平如此況亂離
吾人聚會亦細故埋頭甘受羣兒羈荷戈負耒兩難卽

此身位置竟無術菰蒲葉長瓜苗肥夜卧沙磧抱涼月
海人鱗魚玉尺鮮楊梅入市珍珠圓長安炎熱不進御
豎儒坐享徒自憐嗚呼吾生在地猶鴻毛行樂遑恤蒼
生嘲江干吳姬白如雪相期全醉錢塘潮

孫蓮士助教廷璋招同子九叔雲集小雲栖寺凡

公房同次少陵宿贊公土室第二首韵

結夏求古歡魚鳥悅禪靜移舟就深綠竹寫定中影素
襟遂所期杯酒淡彌永調琴鶴馴座浮瓜鵠窺井生愛
蓮社游煙思各能秉涉境忘險夷盟心契孤迴流水息
我機舉足見箕穎徑曲鑪煙深林密岫雲屏悠然足相
對開幢揖諸嶺一磬裏詩心搖搖暮松頂

次平子病中見懷詩韵

僵塞生何稟，饑寒道更艱。
故人幸無死，相對一開顏。
身有老親重，書猶傳世慳。
遲君歲酒熟，彊起酌秋山。

日晚登葛嶺復渡西冷橋至鳳林寺二首

破寺秋花瑪瑙泉，湖光如雪塔如煙。
師臣蟋蟀俱零落，留得寒山祀葛仙。

小隊笙歌載酒從，兩行畫舫映芙蓉。
鳳林寺外斜陽路，獨向松陰聽梵鐘。

九日寄雪鷗

越山雲物逼，秋清細雨黃。
花易得晴落，葉與人爭野。
渡斜陽隨雁下，江城無多朋。
輩難求食如此，窮途未悔名。

念爾閉門誰送酒登臨應解遣遙情

又用前韵寄凡公

結就蒲團世外清花間寒梵裯初晴霜痕近水秋歸樹
山色連雲夜出城詩境舍元參道氣危時習嬾借禪名
打鐘埽地平生願合向祇林證古情

又次前韵寄東浦周氏兄弟

三間老屋水雲清對卧桑麻課雨晴浦鳥帶波衝岸樹
漁帆如雪落江城宦途多厄聊充隱世路招尤爲嗜名
誰信登高能作賦茱萸珍重弟兄情

重九後四日偕子九閒谷夜飲雪鷗水軒別後用

孟調江橋步月韵寄雪子

月出人影靜霜嚴候蟲喫北戶攬浮雲寒暄倏改色時
艱類斯聚日短夜逾惜之子舊儒侶清尊永今夕冷局
謀古歡深談剖眞識脫巾俯暗水淡如鑒子魄行嘆暮
烏飛一枝危難得如何學道人蓬蒿未甘寂骨肉珍一
言衣食生百別天涯散客蹤春草不能迹我衣雅難緇
亂緒借詩櫛宵央警櫟稠寒重薄簾納酡顏戀分袂餘
興向誰說歸途揖暝山鐘聲帶煙白

酬孟調用前九日詩韵

藥裹茶囊檢點清松畦抱甕課新晴黃橙香淺初登市
紅樹秋深漸近城窮享家居惟病日賤招人妬尙詩名
相憐木雁同無謂酩酒離騷此日情

深夜讀書有作再用孟調江橋步月韻

途窮忘時艱，眾喧掩孤默。弟妹守恆饑，盡作苦吟色。午
脯三旬偶宵杼，一燈惜匪琴。永春朝止酒，淡秋夕。終年
讀我書，陳編若新識。趣到有深悟，文字特其魄。忻忻遲
夙好，躊躇磬私得。相視忽無言，靈機對之寂。輟業或暫
時，契逾執友別。吾心如駿馬，萬卷鍛馳迹。名理牛毛繁
不學，豈能櫛取舍。量厥近高下，恣所納拈花待微會。持
向廣場說，掩書步空庭。秋月中天白，

偕雪甌孟調自瓦窯邨步入昌安門出西郭門成

絕句七首

有序

乙卯冬月薄晴沴寒偕雪甌周子孟調王生自

富盛山歸抵瓦窯邨日薄西景舍舟而岸邨落
環再由園靜深鑪峰秦望峙其南諸葛羅山竦
其東渟風越陌穿林渡湫水循足下煙遙目前
返顧流連恨速其步過一茅菴有閣兩檻平檻
俛水遂憩其上看波浪萬態弄景蕩空漁舟往
來自如無事過則水牌見平野中文石重門垣
陸列峙絕艸徑往視有闕題戴氏祖墓東西數
墳略無碑碣郡中此姓未聞顯人而局阤深嚴
珊瑚鏤精絕儼于王者去里許又有高冢出于樹
間華表石人矗立道左讀其碑則明季商冢宰
周祚之父也舍之而東經長橋望偁山一髻孤

聳海際夕陽罩之紫翠縷縷可數晚抵昌安門
聞天王戒珠諸寺鐘聲四起叢山孤塔攝入暝
烟入城至斜橋王子別去至北海橋周子別去
遂獨出西郭門歸家次日賦詩七首以貽二君
俾共和焉

纔過繞門山林疎村落出雞犬各知家柴門映斜日
羣峯盡東迤直北涵海勢天遠紅霞長僊山聳孤髻
豐碑出道左言是天官墳石馬齧枯草松颺弄斜曠
渡橋就西岸僧廬結人境闌檻涵水光過盡漁帆影
五里昌安市算烟衝古墉仰見叢山塔斜趁天王鐘
越女青布裳長眉遠山映石家池水深理鬢俯清鏡

燈火動坊市出城人未歇衣上東山雲來映郭西月

冬日偕孟調雪甌登寶山謁南宋諸陵

幽蘭炬中攢殘骨告廟復仇藉人力朔軍大至黃旗降
孤塔腥填馬牛血小朝廷事誠可憐漕臣獻議名徒然
淘沙已徧七陵土臨安歲歲來紙錢一品重昏葬輩落
那有燈檠當枯骼繙髮又掘冬青根雙匣淒涼復誰託
我今荒山弔寒霧樹角紅牆識陵路百年飲器頭顎歸
黑炬重泉照孤兔玉魚銀雁昏復朝朱鳥苦竹魂蕭蕭
熱淚一掬古不化西風鬼哭錢塘湖

論詩絕句四首

有序

古今詩人更僕難盡茲偶取乾隆間經儒詩四

家論之

學福清才自絕儔經生吐屬最風流何當摘句圖重繪
樊榭漁洋一例收

沈沃田

春融棲託自清和高致林泉付雅歌若語長篇麗段甚
歸愚衣鉢累君多

王述菴

校禮堂中帶草春爭傳佳句出經神一生苦詆新安學
詩格偏應作替人

凌仲子

北江健筆有餘妍憶舊風情詎忍刪祇憐未除偷父氣
平生多事友船山

洪稚存

漪渚冬日山行再疊孟調江橋步月韻

溪流無隱心在山不能嘿巖松有塵根經冬益炫色至

理任取求造化非有惜役役靡世好流光誤朝夕矧托
邱壑慕園綺舊相識置身濠梁間魚鳥繪予魄竭羨采
樵者欲從問所得長謳入深竹白雲叩之寂隨時靜與
會急景若爲別夕陰明荒苔上有古人迹病葉未脫樹
疏風自來櫛誰爲萬物淒微陽已潛納藉慰平生懷頽
暮不可說山靈毋我忘監茲一水白

元日喜晴

以下丙辰

索逋人去債臺撤長鬚灑埽徹夜畢爆竹聲裏雙扉開
先生依然敝裘出鄉閭童叟何嬰嬰衣冠各具山澤儀
婦女迎門雞犬靜陋巷到處生光輝逢人說晴喜相賀
但願年豐甘力作去聲春意散滿千邨舉誰信閉門有長

餓我生不覩熙皞天百里以外多烽煙衢歌里游有今日吁嗟此亦唐虞年

送雪甌計偕入都二首

故鄉三日雪送爾萬重山官樹驅雲疾征途帶雁還奇才經戰地吾道自田間此去看持節嚴生祇閉關

欣然別妻子一騎發長安豈不恤烽火其如高卧難危時輕出處行色壯饑寒我亦思投筆風塵把酒看

送陳璣士壽祺計偕入都

綠醅紅燭早梅天雪裏湖山計吏船樂府新翻溫助教井泉多唱柳屯田夢分遠水隨鷗去客避東風在雁先等是少孤君獨秀劉盧姍誼若爲憐

送叔雲入都補官全子九孟調作

春風初暄野梅坼一騎城東催北發力資著書不千秋
幽蟬乘時動鱗甲天門雪大滹沱冰江淮充斥獷鹵營
戢影田廬亦何物掉頭烽火資遐征質裘賣琴事鞭策
致君堯舜自有術肯將高卧忘馳驅誰信間關覓衣食
有弟奉母兒讀書有妻甘貧能養姑家庭郤願百無憊
勗哉才力應時須故人尊酒壯行色如此江山作離別
天涯百感生風塵儒冠十年媿刀筆慈也卧病荒江邊
養親求祿悲無緣一飽盛衿豎儒福跬步輒受天公攀
國門上書四遭擯捧檄小喜亦吾靳願君勉副東山懷
猿鶴年年報花信

送孟調赴大梁依其從叔吉雲都憲

昔年君作姚江游
往還欲置傳詩郵
去年君作永興客
百里相望怨睽隔
貧來顛倒不自如
交情百諾奢一錄
室無萊婦古所嘆
何況小兒知索襦
忍饑讀書日有得
造物忌之不容刻
出門乞作慈母儉
天倫可樂亦胡恤
君家有叔鎮大梁
戟幢一啟千羣揚
手持天鉞監方面
旌旗人識琅琊王
材官百十熱炙手
猶子艱難迫奔走
乾坤雖窄幕府寬
嬉笑間鬪覬餽口
北風三日春不溫
朝來驪駒歌在門
結束敝裘裹書策
隨身一劍能感恩
此去千山萬山雪
罨畫征途起行色
子身長餓恣嘯歌
入口拋離奮登涉
江淮回首黯烽火
健兒彎弓指都墮

嚴城列戍無人行隻騎躍冰促飛箭梁王臺上煙塵高
夷門信陵不可招惟有文章驟枚馬黃河天上爭雄豪
別君語君不能已一水相思況千里子桑琴絕誰復聽
吾道行藏卜於此

爲沈寄凡題照卽送其作尉江南

爾翁江東沈麟士窮老鈔書八千紙

寄凡尊人霞西翁博極羣書所綜錄

遺籍

良田廣斥搜秘藏手挈琅環付孫子君也詠模世

家學少小受詩嶄頭角三椽老屋供枕咀神仙無如此

間樂長貧結客日萬錢春風秋月泛酒船練褶高座半

不識題襟豪氣無前賢公卿躡履下逢掖坐此人輕二

千石賭袍笑被帆驚衆更出餘技事雕刻

君善篆刻中原圖

籍吹煙颺勒焚巢燬誰能逃幸君手掌五雲笈屠門大
嚼供羣饗鄙人備書柳生肘欲窺插架乏鴟酒鄰侯家
法持贈君局室勿借良可醜雖然牙籤玉軸三萬奇四
壁如洗良坐斯棄觴自可致卿相百城南面徒爾爲黃
羈縛袴夜起舞短劍從軍挽尺組摩崖紀功會有待奚
止歌詩壓鐃鼓江南煙水多野鷗菰米五斗秋深收詩
人簿尉例唐代槁誠抱經何所投

題寄凡論印圖

墳典滅秦火六書散麌煙幽森沮頽心百一揆遺編蝌
斗亦云醜能奪蛇蠙妍遷流及印史繆篆留雕鋟絕學
誰復矜所藉翫好傳吁嗟雕蟲技乃操復古權沈疾喜

籀法冥心游象先運刀縱所至精氣忽四穿鋒痕不受
泐往往蛟龍纏兒曹莫輕弄鬼泣在汝前斯冰去已久
君名遂千年

結語用劉夢得
陽冰篆贊語意

雨夜懷凡公客芝邨得雨字同蓮士

嶼花破暝煙庭草歇春雨晚風忽窺簾疏燈淡人語屐
聲遲所期犬吠出平楚共念邨居客咫尺託遙緒鶴歸
掩松扉春深結禪侶

孟調將游汴州索題西鳧山居圖余未及應別後
追寄此詩

稱詩固夙好山水乃其天有得卽吾廬誰云買無錢翳
余寡俗尙結念黃綺年託生富巖壑奢願荷天全以嗜

得同好仙裔溯輞川
西鳧本靈宅窈窕含眾妍
松高白雲潔楓落丹霞鮮
溪花冷逾秀谷鳥幽自憐荷衣亦云
好黃塵何由緣嗟子走覓食穿壘行縢纏故山非不深
誰能餐雲煙白石詎可煮徒作牛羊眠我行拾橡栗誅
茅營一樣倦游終有期願君券斯篇

初夏月夜閒行成詠

屏山迤邐暮雲生
豔月幽廊獨自行
香近花深人語寂
樓頭依約墮釵聲

夏日至邨後官瀆水口蓄閣上小憩

檻外荷花水接天
閒來僧閣枕書眠
茶香睡足鉤簾起
藤榻槐陰聽晚蟬

甲金陵向帥二首

東南一旦墜長城。笳吹秋風慘。列營來整早。爲羣盜伏
馬援老。冀大功成賊衝轉徙。三年壘帳下。凋零百戰兵。
遺恨代波垂。纵日江流不盡淚縱橫。時鍾山大營新潰被詔革職
分築長圍逼上游。可憐力竭困壘頭。汾陽將數渾城舊。
向帥爲楊忠武公親將
涼國功期李祐收。今提督張國樑本降將竝得其効力信史
尙懸褒貶律。危臺重累廟。堂憂旌旗變色。頻翹望終
待。君王簡壯猷。

暮秋訪凡公小雲棲題其房壁

鑪煙茶火一房青。雲散齋鐘夕梵停。黃葉滿林簾拂地。
亂山堆裏聽翻經。

仲冬旣望奉太夫人至湖塘三家邨卜居王氏宅

歸途寫懷

冬暄戒蘭楫霜鏡開晴湖承顛北堂暇言卜湖邊廬十里東山翠邨煙相卷舒紅樹列層岸斜陽不能疎厭水稱善釀有田皆上腴沙草綠無稅終年長鷗鳧循陔粲可指菘畦兼芋區時還挈童冠苔磯分讀書

越縵堂集

會稽 李慈銘

原名憲伯
小字尊客

白華絳柏閣詩丁 古今體八十五首

哭叔弟林

以下丁巳

亂世饑寒強自寬無多骨肉勸加餐五年差長憐勤學
一事無成竟蓋棺積善兒孫摧折早就衰門戶保持難
傷心剩有孤雛在盈尺麻衣忍淚看

阿母辛勤爲汝婚擣持病婦望生孫共欣寶誌初摩頂
誰料巫陽已在門冷雨五更聞哺乳春暉廿載竟孤恩
敝衣書卷封塵篋處處空房涕淚痕

晚步門外風浪浩然臨流獨立頗有江湖之思成

五言一章

長風吹獨立蒼莽墮邊愁山壓孤邨暝城掀濁浪秋奇
貧蓬患難多病誤恩讐滿口關河思平分浩蕩鷗

春日溯何山至侯山尋小隱園遺趾經明相國錢
文貞公先塋訪讀書處不得五首

初晴理短櫟因風溯前湖出郭未十里插鏡青珊瑚漁
樅不知處烟渚分鷗鳬何山一螺起萬綠相鳴于危橋
扼其戶故令巖壑紓

訪勝得侯山境寂意亦止舍舟就林局周帀抱崖渙石
瘦簾露骨屐輒蘿齧趾貞侯去不返高樓竟長已年年
生古蕪春風識幽址

名園記小隱緣磴窮幽尋斷礎生土花千載斜陽深蒼
茫現碑字苔氣常沉沉暗水漸平楚低霞結巖陰履地
繙曩構竟欲私山林

陟岡頰鏡水圓抱千芙蕖立水兀青髻四面長眉舒塔
影浮遠郭林烟畫寒墟村墅亦云好到處宜春蔬夕陽
散茆屋湖光與之疎

山下多墓田晚風驅犧牛相國昔表阡蒿廬隱松楸兒
孫不能耕尺地空貽謀生男作賢輔零落無山邱遙問
讀書處春煙鳴沙鷗

夜泊官瀆諸水邨至東浦得兩絕

村舍連魚滬兒童鬧葦叢飯餘明月上笑語水聲中

夜市趨東浦紅燈酒戶新隔村聞犬吠知有醉歸人

早至平水谿口登岸意行三四里至顯聖寺不入
清夢忽然碎溪喧滿孤枕推蓬綠打頭亂墮松竹影及
茲朝氣爽行渡石橋近濕霧吹濛濛山意猶未醒細路
春泥明密箐曙烟隱鶯啼茅屋幽犢卧露花冷綠鐘時
見僧到寺一水靜

山行口占所見

屏山溼翠冒烟開曲曲溪流漲玉醅夾岸板橋新綠底
竹簾分載落花來

偕孫子九遊化山傳燈寺

二百年來選佛場唄音猶自祝 章皇松迎峯勢排空

待雲逐鐘聲過嶺忙 盛世道林容講席名山玄奘有
經房迎師訪道新朝事閒聽閣黎話夕陽寺本古平陽
觀順治中爲
宏覺國師 敕建者

傳燈寺觀

章皇御繪宏覺禪師像敬賦

開國當年氣象新補天筆落自通神鳩摩合爲真王
出俯祝凌烟閣上人

傍晚自傳燈寺步至恣公塔

僧廊起暮鐘出門聲自遠十里極清聽松梵不相亂山
翠隨處深夕陽忽中斷叶濟勝契夙懷散步足遐眷巖
花無近香溪流學幽讚目窮途轉紓意得境忽變所歷
無峻徑回視俯層殿樹杪平欲攀紅露寺脊半前指恣

公塔隱約暮雲見

偕子九宿恣公房

露下竹房閉龕燈古佛同怪鴟寒警月驚風夜綠松境
寂觀心妙山深恃歲豐逃禪初願在不復歎途窮

化山大溪中有巨石孤立奇古可喜傳是葛仙翁

釣石

羣山走連衡回顧落其距中流愕然立盤鬱有餘怒奇
峰不到地成此一卷古孤根自倒植卓犖詎堪侮度廣
僅越晦轉變出百阻偃木緣磴生僵石突相拒虬藤下
飲水瘦趾忽前俯布置非可名疣贅不能斧何年蹲葛
仙投竿釣煙渚靈蹤一以闔荆莽遂爲府側面勢盡削

餘力猶可柱蒼骨凌絕淵紫鐵抉危土誰歟握神搆欲
遣百夫舉漫防米顛攬竟就到公取破碎理尙全攝集
氣始吐煙雲生剔搜快使日日覩

靈門寺懷古

大令山亭歲月荒故應家法捨空王彩雲不作巫山雨
猶爲鄒家懺赤章

勝地無端現法華中宮傳詔布金沙義熙天子能相顧
薦福殷勤爲后家

雪嶠禪師塔

敕建荒山雪嶠碑

九重猶恨不同時

憲公還山後章皇

賜手書并金二百令修雪嶠墳蘭亭一殉昭陵去筆塚無人禮永師

同子九寺門坐月

夕殿高寒地蒼然閟蘚陰月低山更出風定夜俱沈樹
冠鷗巢暗花栖鬼火深不堪蕭寂感都到此時心

春晚泛舟至湖南山看桃花風雨暮歸已紛紛見

落紅矣悵然賦二十八字同子九素人叔雲作
載酒尋春已覺遲妬花風緊不禁吹明朝便有天涯恨
楊柳欷歔更泥誰

擬李昌谷美人梳頭歌同子九叔雲蓮士作

紅錦窠溫宿醒覺春泥絀鴛鴦浪紋薄玉螭絳縫披鬢絲
蘭尾修修斜領角鯫窗晃眼朝霞明絡珠帳揭春寒輕
鳳膏香散睡蘿綠挽髻玲瓏金釧聲了鳥翠深啟蘊合

宿鬢餘花置篋側犀箋綽約纖指扶低擎怯腕香氍毹
象牙梳落吐華月蕙霧繁曲雙紅酥鈿梁釵勝遞安貼
蕉襯星塵拂輕碧轉身背鏡照花枝可惜妝成祇自知

周叔雲季貺

星詒

兄弟各爲予畫湖塘邨居圖

雲并和予甲寅夏初過湖塘詩韵題詩其上卽

次答之

論價何須十萬錢畫中花竹倍清妍籬邊禾黍通樵徑
柳外鷗鷕過釣船遠水平鋪吟席側好山多在酒旗前
勞君分繪東西屋自是幽居藉畫傳叔雲詩有畫圖懸
仗草堂傳之句

秋夜訪瀉渚山家

犢轆挂酒縱幽尋數摺疎籬轉澗陰黃葉到門聲似雨

秋山影裏一燈深

八月十八日偕羣從乘暴漲放舟至三江閘觀潮
淋雨十日初放晴西風吹送秋榜輕吳潮八月壯可賦
強起羸卧收遙情海塘蜿蜒白草動放眼寥廓窮秋清
暎電先驅報潮至萬木齊亞不敢鳴潮頭未見日忽翳
行人兩岸目盡瞪陡然一白互海立雷推歛寧鯨波轟
奔沙倒卷海見底上有萬馬空中行駝峯玉山互摩蕩
斷鼈呼吸雙崖擰是時秋漲正暴決三江星彫鼈梁橫
潰流奪門各迸力其氣直欲無滄溟雲崩雪壓懸十丈
雄咷雌應爭砰訇銀山一隊忽當道憑高鼓噪作勢迎
前胥後種亦躊躇意外警覩大敵勍排空結陣故不逼

負嵎激矢矜莫擾渤海怒吼奮相搏躍浪突與青天平
昆陽雨注虎豹慄延津劍闢蛟龍驚拍浮大地斡神力
須臾內外成合併洪流逆注走不及偉哉造化誰能爭
對此拊手呼大快奇觀至理不可名順流解纜鼓歸櫟
頃刻世里煙波程

九月八日積雨初晴明日將出游先占兩絕句

瓦屋泥牆水氣昏滿庭秋色護甕盆綠葵紫蓼俱長物
猶爲黃花一出門

莫放明朝閒裏過輕陰連日釀微和湖邊霜樹紅于酒
孤棹斜陽醉處多

九日偕孫子九行湖上仍用前韻二首

有序

丁巳九日霜清氣晶邀子九趣常禧門經龍山
麓地多明代故家廢園灌木結援流水繞戶崕
泓蕭瑟魚鳥已親比出城則鏡湖遠近諸山若
迎若避秋色萬頃聚千笑前晴烟水光相爲勞
苦過跨湖橋紅樹淺深日次覩赴至中堰日暮
徘徊而歸歸用前韻寫兩絕句紀光景并索
子九和之

雨過秋城積靄昏林邊池館幾家存滿山寒翠竹籬靜
流水一灣人掩門

鏡湖秋淨碧千羅樹裏漁舟不斷歌行到夕陽中堰埭
邨莊漸少好山多

晚過城隅光相寺古西寺也

落日來西寺橋陰墮古松草長偏識徑市寂更聞鐘霸
業餘殘靄寒城起夕春越王祠宇在香火託南宗

寺右爲越王

唐王

謝墅山中書所見用前門多韻

深竹煙谿積翠昏小橋低隔便成邨何人來著書千卷
黃葉聲中自閉門

屏山畫裏埽晴螺近展平疇十頃過量較青林紅葉地
夕陽還占白雲多

登九里山作

千秋歌吹咽風前睥睨諸山淨遠天霜樹紅疏連嶂雨

秋城綠抱一湖煙寒陰茅屋家收稻野水蘋花客倚船
忽地登臨感興廢霸臺憑弔一蒼然

兩日後再過西寺

王許談經地鐘聲自晉時暮禽如有意芳蘚更相期松
瀑虛寮續茶煙別院遲祇今參塵拂誰覓道林師

季冬甲子日初晴喜占一律

殘臘又開新甲子江天一掃積霏清溼陰帶雪都歸水
寒意悵雲不滿城閉戶厭聽騎月雨來年準擬一春晴
農占冬甲子
晴一春無雨
賈臺先事排游日猶有鶯花趁太平

丁巳十二月十九日邑令葬林烈婦李氏於西郭

外官道旁紀之以詩

有序

烈婦郡城貧家女早喪母字大木橋林氏爲待
年婦其姑倡也縣吏役日鞭雜其家烈婦年十
六有色姑逼之姦不可則縱羣不逞戲辱之烈
婦號哭欲覓死姑大怒日鞭笞之無完膚必從
乃已烈婦終不屈乃閉之室中夜以帛縊殺之
時咸豐二年壬子九月十九日也其父鳳祥鳴
之官厯五載更兩令而事始得白其姑瘐死論
其翁如律烈婦得旌于朝官爲治葬及祠
堂建坊曰貞烈予旣爲之傳更紀以詩

城頭徹夜烏銜土玉骨千秋蛻風雨
縣官鞠陋里巫舞霞川一曲霜鏡瑩蓬萊
驛畔清風生

兩行綽楔垂雲立貞娥十百拈花迎

西郭官道旁節婦
女之坊林立數

里自明迄今不絕此海內所無姑惡不來墓旁樹石室深嚴絕狐兔祠

廣何須問柳家圖畫還應配瞿素可憐生小作冤禽山

下何從識藁砧

烈婦字而未昏越俗所謂養新婦者貧家男女幼許相配女卽寄養男家至長始擇日成禮其初無夫婦之稱也聞烈婦所字者年僅十歲本不爲夫婦子嘗論之謂當稱烈女不當稱婦此士大夫不學之過則識於此

歲歲李花開似雪莫教飛片入遙林

春晚日連夕飲族人新宅

以下戊午

翡翠金屏護繡檀連宵風力覺春寒攜燈小立重簾外
照見荼蘼雪滿闌

題魯蓉生竹林抱書圖二首

此亦窮途樂蕭然一卷書深林幾風雨長餓對妻孥刷

筍苔連石澆花水引渠笑他塵垢土膩恰逐人車

知爾十年久艱危亦屢更身閒能奉母頭白未成名清

節先賢宅

君居諸文懿宅

寒燈舊雨情相憐稀把臂對此話平

生

偕東陽程子寶秀才近游邨中憩雍樂橋又西過

荷花蕩慈雲菴二首

漲光濶濶晚江涼郭外平橋驀直長夾岸水煙蒲柳綠
魚曾影裏落斜陽

荷花蕩口數晴嵐多少人家住蕩南郵名一徑薔蘼花似

雪茶煙隔竹見僧菴

寇亟

白華絳樹閣詩丁

九 越漫堂集

寇亟民何恃將軍盡賈胡黃頭先倡亂鐵脰尙長驅恤
難期鄰道疎防罪始圖江東完實地管鑰孰先輸自晏
撤常山守兵賊得入浙江南大營
中丞所遣援師多騎蹇不可用故云

聞括州兵變創兩大帥賊已逾桃花嶺入婺州境
凶門未鑿忽驚評坐見銀刀拔隊趨度險潛通青犧賊
裹瘡先困黑雲都已嗟列郡無完土苦爲諸軍竭餉胥
太息登壇公等在杞憂甯止屬鄉閭

夏初邨居二首

首夏厭暄燠斜景宜晚晴出門不求偶適野遺我情流
水繞畦下曲折如相迎導我入村落蒼然有餘清竹粉
拭新籜棟雪吹香英籬下少人跡微聞繅車聲老樹卧

門口下蔭游魚行

昨得沈生書招我山中行爲言柯山間綠陰多已成所至忘昏曉處處幽鳥聲對書喜失笑此事殊移情忽覺几案旁照眼蒼翠明庭草不可櫛檐花亦剪榮日午捲簾坐細聽茶鎬鳴物理取所悅有得卽可名興過亦復忘留此蠟屐盟

寇逼

寇逼將三舍浮生奈此何所憂慈母老敢謂一身多有福安貧賤無才觸網羅去留都未可避世愧蹉跎

伏日聞官軍拔縉雲進取處郡浙事漸解二首

轉戰頻消息朝來竟捷音山城殲鬼瘠暑野陣雲深及

此嚴疆事猶當備歲祲可憐荒確地寇盜忍相侵

玘札皆才將功名弟勝兄叟兵經百戰都督冠諸營

時提

戎周天受總戎周天培先後總統援浙諸軍天培功爲多二周蜀人也六月行間苦于家

劫裏生瀼西田尙在暫喜見承平

紀鄞縣東鄉史逆之變

大俠存名捕東鄰又震驚將成山越亂頗結島夷兵

賊聞

通海寇地險憂師老民頑恃法輕虛名悲段煩何日得及英夷

時以觀察段某任撫勦事至則一意主撫賊恃地功成險屢敗官兵近始決計進討東鄉自壬子春徂兵

後今再

亂云

九月四日沈疴乍起雜感三首

入夏叢百祟日食僅一匕絲綴盼及秋衆病庶漸理詎

云草木質零落猶未已雞肋人盡舍鬼伯顧之喜男兒
學未成天意肯輕舛得非警玩延浮生固難恃三十不
努力期願亦可恥炊熟悲古人九原竟誰起

病榻蒙短衾呻吟夢中語阿母年六旬晝夜不停撫闌
家正斷炊醫禱復百舉破窗風泠泠藥煙散青縷枯宵
熒一燈暗蛩囀近戶輾轉神魂驚憊慄中懷苦貧賤恆
自憐胡令造物怒豈翳違天和百鎔無一補疎防貽親
憂遑能謀仰俯交游稀過存婢僕漸肆侮人生貴自立
好惡隨所取寶茲千金軀道在氣勿沮

今晨聞鵠噪強起臨南榮涼颼扇徐徐曉氣吹更清輝
爛桂樹華遠對朝霞生秋色日以鮮庭卉爭敷英扶持

學散步心曠覺體輕景光亦無奇不外乃可矜造化豈予偏吾甯徒自擾芳華匪有借不許貪夫營幸得今日閒怡茲嘉樹情

重九前一日強步登樓始作秋望次友人去年九日杭州寄懷詩韻示諸弟及戚友

蕭蕭風日一凭樓原墮蒼黃入草愁過雁荒郊衝細雨戍旗孤郭映寒流中年兄弟多傷別病客光陰易感秋把酒不堪頻北望似聞青犧滿揚州

重九日偕孫五過芝郵周十一兄弟賦詩限九字

韻時予與二君皆積病新起

今年蛾賊擾浙右烽煙滿郊扶母走驚魂甫定入疾疫

日日布衾臥蒙首故人遭亂今無多病鬼縱橫迭相守呻吟遂過秋風期紫蟹黃花坐成負一年佳賞太寥落造物憐才起枯朽重陽之日忽放晴人生此遇豈多有朝來孫五刺船至招予滿酌東浦酒周家兄弟夙好客花前擁書傾一斗相驚瘦質更凋喪坐使名山侶衰醜文章豈必耽俗知意氣肯落昔人後繞屋笑看稻大熟何不終身事田畝有秔可煮奉我母有秫可釀速我友但能溝壑逃餘生遑事飢寒恤八口願今下灤各占耕歲歲郵中作重九

秋末游西湖至蘇公祠入孤山經放鶴亭作

湖坳展靈祠泓崕交水木出門縱秋尋逶迤轉寒麓清

白香山集言
泉繞亭過白雲與爲曲慘慘荒碑陰古蘚不可讀日暮
鶼鶼飛風蒲爲誰綠

孟冬十日復獨游湖上晚自蘇公祠取段家橋歸
二首

山外層祠挹翠空湖樓十月正多風草楊無限蕭蕭意
都付秋雲晚磬中

夕陽依約段橋邊回首長隄遠似煙分占寒波雙塔影
更無秋色著湖船

一月以來與程秀才及羣從徧飲邨店無日不醉

口號一絕句

日日腰間插手巾舊家風調酒懷新誰知三里紅橋市

擘脯彈箏大有人

周叔雲季貺兄弟勸予入貲爲郎漫賦長句答之
甚事東山捉鼻忙秀才康了強登場何曾捧檄歡親舍
便見移文出草堂鑄錯已嗤秦博士子初以貲得太常博士解嘲
重署漢山郎濁流何與蒼生計虛羨朱儒粟一囊

題馬令南唐書後絕句六首

禪局依然李代楊永甯宮裏淚千行獨除魏晉臣堯例
兩字尊名定讓皇

正陽尊酒此心同有散歌姬作相公惆悵包胥成畫餅
中原慙見李司空

金格狗矢哂同官奉使甯辭一从難國老青陽甘穴食

九原低首肉臺盤

太弟終全德讓名卻登高賦更多情江南家法真堪羨
慘絕中宵聽斧聲

三害居然繼孝侯凌波八字陣橫秋玉真妖夢何須懾
合把宣州配壽州

鄭瑗并觀瑣言據唐舊史辨盧
絳無降宋之事足以補正馬書

海外車書上國推分
明土運紹中衰石劉柴郭真何物
史筆千秋習彥威

馬氏先主書序云土運中圯諸侯跋
扈基搆自吳紹于唐祚書末又爲世
系譜歷載唐之自出

其識出放翁之上

寄陳閒谷商邱閒谷近遭母慘卽以慰唁二首

念爾勞勞爲養親倚間難待百年身備書近得天涯信
淒絕靈牀薦一縉

客館添衣夜不眠縫痕綻處淚都穿要知鍼線高堂意
莫爲奇溫竟卸綿

寒夜聽雨寄王孟調開封

寒雨瀟瀟戍標長遙憐王粲客他鄉吹臺風雪殘宵急
一枕河聲繞大梁

冬夜讀後漢書李固杜喬傳

嚴冬夜氣肅坐讀李杜傳二公志違天豈計舛扞難危
言留信史寸心與不爛鬼神共迴薄金石立可貫中流
懸一壺萬古竟長旦回復涕泗下孤憤觸羈賤悲風起
中宵靜聽萬物戰吾心出光明短檠一鐙斂奇節在天
地讀書兆憂患名士固不祥慘惻迫世亂殺身以成仁

卑末無自見紈紈更鼓終掩卷起三歎

雜詠後漢事十二絕句

友愛天家事宗枝受祐多廢儲享貴壽東海與清河

功臣敕家法馬鄧夙稱首持謙難庀宗爲育兩賢后

鮑氏漢名臣三世拜司隸白髮鹿車人及見好孫子

蔡倫造書紙李巡定經文咄哉兩中暨首策儒林勲

先後河南鄭名卿出禮宗代興通德里踵拜大司農

游平起孤學枋國志興漢滅門還一孫卒飲涼西箭

邠卿拜太常元節徵衛尉矯節禍百家老陪阿蹣位

楊政劫馬武趙壹哭羊陟處士干公卿求名亦何急

杜賈及蔡張大儒盡佳傳惜哉許洨長遺事無一見

袁氏有陰德四世得五公
一旦覆卿族乃生兩梟雄
本初既虎視公術亦獵吼土室有賢兄僵卧獲中壽
千萬禮錢輸西園例不殊程燒識名士半價賣司徒

聞賊陷六合縣弔觀察溫公紹原

鐵鑄孤城枕賊衝

賊中有紙金陵鐵六合之謠

危疆喋血十年中一

官強項成名將百戰銜鬚作鬼雄可惜睢陽終外敵更
無玉璧爲旌功彈丸真作王熙塚從此江淮保障空

戊午季冬二十七日予三十初度飲戚族兄弟於

越縵堂作歌自壽

先生謫仙孫人間偶游戲釣鼈海上忽掉頭閉門著書
作生計卅年急景雙丸催學算學劍徒徘徊丈夫不朽

白華絳柏閣詩丁

五

趙魏堂集

自有在坐覺萬古胸中來庚寅吾降首三日

予生三日爲庚寅元

旦中丁陽九戰爭急草間歌哭天所遺醉裏山河老無

劫江淮幕府連雲開振衣欲上凌煙臺儒生報國志殺

賊下馬露布奚須才雖然北府荀郎亦何物新野司徒

等寂寂我躬久習鉏犂勤不解軍門事長揖四座勸我

金叵羅人生此會能幾何六龍下食氣象好入達窺竇

祥狂多山中高卧足一世眼前且喜無干戈嗚呼詩能

吾窮病吾棄此生差免鬼神忌溝壑未必皆夷齊史冊

何須見蛤志一尊奉母樂事長孺人稚子相扶將年年

今日草堂雪梅花賭飲三千場

除夕讀書用東坡除夜病中贈段屯田詩韵寄中

表陳瑞士庶常

南人易爲衰百年罕得半我今已三十撫坐每長歎今日又歲除豈復供憇玩風雪積破屋層陰慘不散入夜縕火微束書淡相伴一綫持殘更妄冀竟不旦自念景光誤空名耗短案此身迫飢寒讀書輒紛亂有時或憤發匝旬忘梳盥老大一無成所得僅迂緩君年與我齊起家列朝貫粹掌廝孤貧立志戒貪懦匪惟追雲龍兼欲化九炭圓樂宮燭光錦衣照高館頗亦憶僵卧枕盆待分緩及今各努力白首覩一粲